

СВЕТА БОГОРОДИЦЕ

Света Богородице!

Машкар и ппув тай о дел, ек фея ккелел-ккелибе! Танци!

Ромние! А деккана те зия ечиненас катар и ират
жи ки явин телал те ная, еборка лунге, ппенес кана, сар кале ппака!
Тай снага ягали, ръсинелас сунг лулугяни катар и натура диводили!
Цибриненас те пире пиннанге, чариендар зелена, умалятар лулугя,
чумидиме!

Перенас туке кочиенде кукрегос, лелекия авгутне, ластовицес парне!
Траденас е ромен, прахале-терне те аздинен е ппарне грастен!
Шаматиме катар и сунг, цибриме машкар те цамцалия чуля дилипе!
Таштиме дехзоралипе традел тут халаке андо муй, магия евани, Натура!

Прилепос-лепиме магиенцар леплива, врачувимнаскоро заняти...
Садачи, садинел ккамипе ан и жов умаляме емишиестар, ппув-дех.
Невобияндо нилай е културенге- култура културно - лошали, прахос,
пакярди андо брекутне бидибяле шебедес персутне-танци.
Куниме чанга! Ккелибе!

Машкар и ппув тай о дел, ек фея ккелел-ккелибе! Танци!

Телал лалес предиклипнастар хурде овелипнаске англуппения -
ан и куна куниме... Къзаи-Юнцос. Бияндипе. Дай...
И Света Богородица пазинел!
Кукуди ленди палал, гранка-грахос, соимнаскере суне гръснинел!
Дуйняс шехяно-отччивто, отречиме меити мимораске. Бияндипе!

Машкар и ппув тай о дел, ек фея ккелел-ккелибе! Танци!

Света Богородице, те милувкаса даютнипе-ттудвало берине...
Наш, праства ленокскере пиренца катар о ханж ппувяне, ккамипе
матикано! Наш, гарав и агорутни гранка астарде ккамнипнаске сомнайло,
емиши анде ппувяте шужи, емишликя! Тай ан е тагарнякири бахчин,
ан ттанесте пашли церимнаске тай сае манушенгоро хапири.

Ан о ккер цикно, роибе хурдеско сайдине!
Пусто, ама ан лесте си и най-гудли боколи!
Ушенди асвенца, ко ккам, ки балвал пеки...
Наш, праства ленокскере пиренцар катар о букес,
маро би пеко тай хъзи явно!

Света Богородице!

Кайлка Лестар те ккамниос тай те биянес Юнцос! Ашал о биянипе!

Машкар и ппув тай о дел, са, ек фея ка ккелел-ккелибе! Танци!

Телал тере градимнасте даютно! Света Богородице!

Света Богородице!

Дай Девлани!

Сайгине е ккеламне фея, сави ккелел ягало ккелиба! За те кумаринел
Животос лулужано! Тай те превел тери воля! Богородице Свято!
Дае амари! Амин!

